

葉昌熾 著

緣督廬日記





清·葉昌熾 著



緣督廬日記
九

江蘇古籍出版社



淮陰師院圖書館 543245

梓本行

丙午日記

五月

初一日陰晴燥熱昨宵又有螢三鼓方入寐寅刻起卯初發出
醴泉縣南門周道如砥其直如矢坦坦行二十里晏村鋪為
興平界周覽地勢自秦度隴以乾州為第一重門戶出乾州
北門即入峽是為陽峪東麓迤邐而西陟則在嶽降則在原
地勢愈西愈高如登岑樓天氣亦迥不同陽峪以西麥秀油
油實穎實粟尚有青而未實者其東已一律登場縱橫其畝
僅有土塊未到乾州雖至暖亦穿一綿今祇單袷開高汗下
甚矣氣候之不齊因乎地勢之高下也又十里店張驛失尚

未踰辰刻鎮南距興平縣城三十里署縣事王景莪號伯璋
湖南益陽癸卯進士遣僎來授餐飯後行五里即出興平界
入咸陽界又二十里上照塘自此地勢又趨而下不啻又歷
一階級共十五里至級盡處已望見咸陽縣城署縣事楊調
元號和甫貴州貴筑丁丑進士遷於城外即見於行館談學
堂事甚久進城後路經高等小學堂規模頗輪奐據云籌款
至一萬餘金論科學亦頗有條理即往答拜未見晚大風
初二日晴陰愈東愈熱卯初出咸陽縣城城臨渭河楊大令送
於渭濱即登舟舟平方如舫大可容一輿五六騎僕從二十
餘人弄船者尚有餘地登岸行三里過豐橋橋下即豐水所

經水清且淺亦入渭水又行二十二里三橋鋪尖飯後二十里即抵西安省城進西關撫標中軍參將劉鈺差帖迓於十里外伏羗士子魏承耀號敏修迓於關外其父現任麟遊縣名立己丑同年也長安胡啟虞號永康乙丙子年姪迓於官廳其餘文武皆以刺接因明日國忌進城過撫署即謁竹銘師達侍踰十年師生皆皤然老矣舊時師氣體豐偉有曹獅子之稱今精神雖未十分憔悴語言微澀步履甚艱聞在滇患偏中風幸而得愈也至行館後署咸甯縣易國勳號岱松即來見時正過午稍休息過未刻即出拜樊山方伯談極久告以取道龍駒寨封船護送砲船即面託之又拜鹽道常

裕號少漁甫寒暄大雷雨久坐待晴始知曾為其太夫人作
壽序主人雖言之甚詳苦無從追憶矣又拜泉台錫桐號閨生略
談再往首府光昭處留一刺而歸先太守號煥堂即來見縣
丞王仁錫號晉藩來度遠丈之孫翰臣孝廉之子告以體乏
請明日見薄莫曹中丞來未見携示鳳石照像相觀河面皴居
然一老翁矣得丞午東電交卸摺已到京奉 硃批賞假三
月夜噬人者無不有雖平時倒頭酣睡者亦莫不狂呌而起
余轉得半夜眠可知其倦矣

初三日晴今日 國忌謂可休息并料理函件乃晨餐甫畢而
傅彤臣同年與賴春亭先後來然皆丁艱便服既而魏孝廉

承耀來樊山方伯來答拜談至一點鐘之久面訂明日便酌
允之午後候補同知錢松年來見常熟同鄉號逸亭傅玉森
從彤臣處寄來五律兩首贈別魏孝廉餽品鍋蒸餅鳳石又
來一雷告准假三月

初四日晴陰錫廬訪晨來甫盥沐未能見同鄉冒樹楨號幹堂
如皋水繪園後人干長華號莘田上海人部選醴泉縣調補
白河縣今又調安塞縣王夢松浙江義烏人同來見王君在
下坐觀上坐適為干冒二字此二姓不易得何相值之巧也
乾州直隸州吳廷錫號鏡之城固縣調署蒲城縣徐普號仲
山皆江甯同鄉先後來見王晉藩來急欲拜客不能久談即

至滿城拜左翼都統恩存右翼都統克蒙額皆未見惟見壽
泉將軍松淮繙譯前輩新自工部尚書出鎮西安閏月廿六
日甫接篆又見何壽護方伯傅彤臣同年壽老寓湘子廟街
同鄉拜王公亮號芝農鎮劉瞻漢號牡丹南常皆府班副將舒
秀松號雪村同知舒信昌號俊卿江吳雷局施刺史衍緒號裕
堂領班秦廷鏞號賡孫吳鏡之刺史干莘田徐仲山兩大令
錢逸亭司馬彭頌田舊幕高鴻達號吉人皆未見施高二君
來相左長安縣典史宋燮棠號和亭來亦未見同縣同鄉惟
此一人頗為悵惘薄莫赴樊山方伯之約鏡之仲山裕堂皆
同席尚有鳳翔府尹昌齡號仲熙程太守崇信黃大令

雖無多簋庖炙精腍醉飽而歸並見所藏宋拓醴泉皇甫兩
碑醴泉決是重摹本皇甫碑字尚未斷鋒棧秀逸神采如生
又有覃溪四跋六至精松將軍餽套禮收楹聯措紳紗藥兩
瓶錢逸亭餽土產十色收花氈兩方沙苑蒺藜四匣王晉藩
六餽花氈八條洋漆帽架四副皆此閒工藝廠所製也又食
物四簋盡收之尚有南中糖食數色皆璧返六以隴上土產
六種餽竹銘師狐裘絨毯藏香銀耳黨參枸杞另呈藏書紀
事詩一部又餽樊山方伯八色則但收拙稿及敦煌石刻十
種又餽施裕堂四色但收帽纓綿煙寄升吉帥鳳石各一電
告抵西安

端午日晴陰清晨竹銘師親來賀節駭不敢當即欲往答謝候
坐騎不至近在咫尺材官徒步相從往投刺而返宜興同鄉
朱弼臣號右甫來見亡友又笏太史之兄也曾署長安首縣
補實雞因案開缺干革田錢逸亭便服同來午後布庫大使
沈錫榮號梅卿來見都門舊雨也鹽道常觀察來投刺未見
初七日省僚公請撫藩臬道府縣之外又有候補道徐墉甲
戌前輩劉綸襄丙子前輩饒鳳珪子惟中丞之子也張藻張
守正此五君子既作主人不能不往先施然途遠今日不及
徧往先拜徐劉兩前輩又答撫標各營弁同鄉冒幹堂太守
及王晉藩順道拜尹程兩太守皆未見歸廬知壽護士來相

左留所著午陰清舍詩稿六冊及其姪潤夫同年靈樵山館
詩二冊王晉藩以午節又以昨璧返之熏魚玫瑰醬來餽收
之以套禮八色答松將軍收摺扇蜜浸桂花木瓜雲亭宴集
詩石刻

初六日晴 先妣忌辰杜門不出客至請以便服見午前高吉
人來為干莘田錢逸亭說項不知干君已在方伯夾袋之中
非有鳳老與援雖安塞亦靳之矣程載傳尹仲熙兩太守先
後來程君贈唐宇文琬墓志十餘分王晉藩來談極久李凝
叔刺史自臨潼遣紀綱來問行期東道可感即寄一函告以
由龍駒寨水程沈梅卿餽花氎洱茶洋酒兩瓶洋果四罐施

裕堂餽紅氍茶食晉洱茶雜拌煙盡收之昨夜賴春亭函來
歸二百金息壤踐言在今官場尚為硜硜自好者矣今日又
餽食物兩品收茶食御火腿閱邸鈔福州遺缺府署贊崇善
請以福防同知呂渭英補授奉旨不准着以來秀補授崇
善着並着交部議處羅正鈞補天津府趙紫珊太史補甯夏府
初七日晴陰劉次芳徐仁甫兩觀察來答拜未見徐君索拙著
藏書紀事詩即遣倅以一部贈之媵以山谷石刻午前答朱
右甫大令並拜張南勳觀察見之又拜張觀察藻未見午後
赴浙江館公宴順道拜饒觀察鳳珪六公請主人也將軍以
新到六為客中丞兩都護藩臬道府縣東道共十四人聽

劇至上燈後聞門外雨聲即告別夜大雨達旦干莘田餽白
河綠布兩匹銀耳兩匣得升帥覆電施裕堂又傳示龍駒寨
來電水漲可載五千斤

初八日卯刻雨止尚有薄雲未散干莘田又餽兩肴兩點旋便
服來見午後謁中丞師驛行談極久又至藩臬道府各署投
刺諸公亦來送別往還相左樊山方伯留贈所著詩集及李
蕤客詞稿共八冊長安縣署亦往投一刺咸甯以途遠滿城
撫標五營及諸同鄉處皆未能親詣此次同鄉未能徧拜王
劉兩太守舒司馬信昌姚大令熙
號敬脩皆往還未見錢逸亭
王晉蕃又於薄暮便服來談晉蕃餽兩椅可以裝卸為途中

倦息之具徐仲山餽兩肴兩點即轉餽晉蕃中丞師餽普洱
茶四桶宣慰腿四肘徐仁甫觀察以一函來謝贈自書墓石
兩通六作一函答之又復潘春陽一函帖估段姓以拓本求
售明拓東方朔畫象譜初斷本塙塔銘索價過昂未諧又一
天發神識跋中而字六誤作雨未敢信為真本惟得舊拓北
海李思訓碑懷仁聖教序據云明拓本許敬宗上開國男三
字尚未壞當是乾隆間所拓耳又小唐墓志十四種隋唐造
象三十餘種共價銀十四兩束裝共大轎二乘小轎七乘每
乘價七兩三十六馱每頭價三兩六錢轎夫每乘十二名名
四錢北僕皆飽而思颺悻悻然有去志鞭箠駕馭萬德吳廚

始從南下王賓果成柴升皆遣之歸自蘭州帶來之人鄭尉
老李承差楊繼福先資遣其餘仍隨至龍駒寨夜將睡施裕
堂忽來送別秉燭久談面索藏書紀事詩已裝馱矣發局而
與之

初九日晴陰卯初即起壽護丈來送別未見行李本擬昨日發
為前一夜雨阻今早裝馱拮据斤播兩喧爭至辰刻始盡發魏
孝廉承耀送登輿出東關冒幹堂大令當東門巡查差送於
子城內松將軍克都護皆差送中丞師及樊方伯錫廉訪常
觀察光太守咸長兩縣皆送於官廳同鄉到者有三四人惟
見千草田繼行五里至一村莊見古廟牆內有碑行書流麗

年月已剝蝕非近刻詢土人其地名韓坊又行十五里前臨
灞水過河即為水溝子成長兩縣設午尖於此灞水尚是支
流共分三道正值大雨之後山水驟漲噴雪轟雷勢如奔馬
第一道水已及膝第二道及腰第三道過腹駸駸且及肩與
馬皆絕流而渡力與水爭幾為橫流飄去來時初不知有河
更不知如此浩無畔岸也行館在高阜土民並無瓦屋僅有
窑洞支席為棚共兩間一正向一側向草草飯畢聞前面灞
水正派其流更廣深不可踰此次赴藍田本向東南行因改
道由直東徑臨潼大路竟渡灞橋面皆甃以石長幾及半
里折而西又折而南紆道不啻三十里迤邐行野田中歧路